



**TAWARAN PENAJAAN
JABATAN PERKHIDMATAN AWAM (JPA)
BAGI MENGIKUTI PENGAJIAN PERINGKAT DIPLOMA DI BAWAH
PROGRAM DERMASISWA B40 TAHUN 2021**

1. PENGENALAN

Permohonan adalah dipelawa kepada calon-calon **Lepasan Sijil Pelajaran Malaysia (SPM) Tahun 2020** untuk memohon penajaan di bawah Program Dermasiswa B40. Program ini mensasarkan pelajar yang sedang mengikuti **pengajian peringkat diploma di institusi yang dikenali pasti** daripada latar belakang keluarga berpendapatan rendah, iaitu golongan B40 untuk diberi penajaan secara kaedah dermasiswa.

Objektif pelaksanaan program ini adalah bagi membantu **pelajar-pelajar SPM dalam kalangan keluarga berpendapatan rendah** iaitu golongan B40 untuk melanjutkan pengajian ke peringkat yang lebih tinggi, khususnya di peringkat Diploma dalam bidang Pendidikan Teknikal dan Latihan Vokasional (TVET) yang mempunyai kebolehpasaran yang tinggi dalam industri.

Bagi tahun 2021, penajaan adalah melibatkan pengajian yang ditawarkan oleh **Universiti Awam (UA), Politeknik dan Institut Kemahiran Awam (IKA)**.

2. SYARAT-SYARAT PERMOHONAN

2.1. Calon-calun yang berminat mestilah memenuhi syarat-syarat umum dan khusus permohonan seperti berikut:

2.1.1. Syarat-Syarat Umum

- (i) Warganegara Malaysia;
- (ii) Mempunyai kesihatan yang baik;
- (iii) Menduduki peperiksaan Sijil Pelajaran Malaysia (SPM) pada tahun 2020 buat kali pertama;
- (iv) Umur belum mencapai 19 tahun pada tarikh permohonan (20 tahun bagi pelajar peralihan);
- (v) Ibu dan / atau bapa tidak disenarai hitam oleh JPA atau sedang dalam tindakan undang-undang oleh pihak JPA;
- (vi) Tidak menerima bantuan kewangan / tajaan dari mana-mana pihak di peringkat pengajian yang sama; dan
- (vii) Pendapatan perkapita dalam kategori B40 iaitu **RM4,849.00 sebulan dan ke bawah.**

2.1.2. Syarat Khusus

- (i) **Bagi Universiti Awam (UA)/ Politeknik yang dikenalpasti:**
 - a) **Menduduki SPM pada tahun 2020 dan mendapat kepujian** bagi mata pelajaran **Bahasa Melayu** dan **Sejarah** serta **mendapat sekurang-kurangnya gred C dalam mana-mana tiga (3) subjek lain** yang diambil; dan

- b) **Telah mendapat tempat dan memulakan pengajian di institusi pengajian tersebut.**

- (ii) **Bagi Institut Kemahiran Awam (Institut Kemahiran Tinggi Belia Negara (IKTBN) / Institut Kemahiran MARA / Kolej Kemahiran Tinggi MARA / Kolej Komuniti / Pusat Latihan Teknologi Tinggi (ADTEC) / Institut Teknikal Jepun-Malaysia (JMTI))**
 - a) **Menduduki SPM pada tahun 2020 dan mendapat kepujian bagi mata pelajaran Bahasa Melayu dan Sejarah serta mendapat sekurang-kurangnya gred C dalam mana-mana satu (1) subjek lain yang diambil; dan**

 - b) **Telah mendapat tempat dan memulakan pengajian di institusi pengajian tersebut.**

3. BIDANG PENGAJIAN YANG TIDAK DITAJA

Bidang pengajian yang tidak ditaja adalah Pendidikan, Kejururawatan, Sijil Profesional untuk perlesenan seperti lesen penerbangan (*Aircraft Maintenance License*) serta kursus profesional seperti *Certified Legal Practitioner* (CLP) dan *Chartered Accountancy* (CA).

4. CARA MEMOHON

Permohonan dibuka secara atas talian di laman sesawang eSILA <https://esilav2.jpa.gov.my> selama **empat belas (14) hari mulai 12 Julai 2021 (Isnin) jam 5.00 petang sehingga 25 Julai 2021 (Ahad) jam 5.00 petang**. Calon boleh merujuk maklumat program dan *Frequently Ask*

Question (FAQ) yang dimuat naik di laman sesawang eSILA bagi maklumat lanjut berhubung program yang ditawarkan. Calon dibenarkan mendaftar, mengemas kini / meminda maklumat permohonan sebelum tarikh tutup permohonan.

Calon hendaklah memastikan proses permohonan telah sempurna dengan mencetak **Slip Pengesahan Permohonan Penajaan Program Dermasiswa B40 Tahun 2021** sebagai bukti permohonan lengkap telah dibuat.

Pertanyaan mengenai program tajaan dan masalah teknikal boleh dibuat dengan mengemukakan pertanyaan menerusi emel dermasiswa40@jpa.gov.my (emel ini hanya aktif dalam tempoh permohonan dibuka sahaja iaitu mulai 12 Julai 2021 sehingga 25 Julai 2021).

Sesi **soal jawab secara langsung** juga diadakan sepanjang tempoh permohonan dibuka berdurasi satu (1) jam iaitu pada jam **10.00-11.00 pagi** dan **2.30-3.30 petang (tidak termasuk cuti umum dan hari minggu)** di pautan <https://meet.google.com/xof-yzvp-fku>.

5. KEPUTUSAN PERMOHONAN

Keputusan permohonan penajaan ini dijangka akan diumumkan melalui laman sesawang eSILA <https://esilav2.jpa.gov.my> pada **penghujung Ogos 2021**. Jika terdapat sebarang perubahan pengumuman tarikh keputusan, ia akan dimaklumkan dalam laman sesawang eSILA.

TAMAT